



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 29. S. Batildis.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

gnus tepor in Ecclesias Franciæ irrepfit; Sæculum VII  
 quippe per annos plusquam octoginta A. C. 658.  
 nullum ferme Concilium celebratum, Epist. Bonif.  
 & Archiepiscopi non eo, quo par fuisset, ad Zach. c. 2.  
 fervore, ad conservandam & removen-  
 dam Disciplinam sua Auctoritate usi to. 6. conc. p.  
 sunt. 1495.

## §. XXIX.

*S. Batildis.*

Cum Clodoveus II. Rex Francorum tres  
 filios parvulos Clotarium, Childeri-  
 cum, & Theodoricum reliquisset, Franci  
 Clotarium, natu majorem, Regem salu-  
 tarunt; Batildis vero Regina Mater Re-  
 rum habenas capessens Erchinoaldum Fredeg.  
 Magistrum Palatii & quosdam alios Epis- Cont. I. n. 92.  
 copos, quos inter S. Eligius, S. Audoë- vit. S. Bat.  
 nus, S. Leodegarius Augustodunensis, & to. 2. Act.  
 Crodebertus Parisiensis numerabantur, Ben. p. 775.  
 ad Consilium adhibuit.

Batildis, seu, ut tunc vocabatur, Bal-  
 dechildis, olim in Francia tanquam man-  
 cipium, etsi ex Regali genere apud An-  
 glo-Saxones nata esset, venundata, us-  
 que adeo Erchinoaldo Domino suo pla-  
 cuit, ut eam in triclinio sibi ministrare,  
 & bibituro poculum propinare jufferit.  
 Uxore deinde defuncta, Batildem secun-  
 do conjugio sibi jungere volebat; at illa  
 solertissime sese occultans elusit aman-  
 tem. Postquam Regi nupsit, & hono-  
 ribus

Sæculum VII ribus Reginae exhiberi solitis coli coepit, A. C. 658. suam potestatem ad beneficia cunctis hominibus præstanda impendit. Episcopos, Monachos, pauperes amabat, ejusque eleemosynis Rex Genesium tunc Abbatem & postea Archiepiscopum Lugdunensem præfecit. Rege Conjuge vita functo, Sanctorum Episcoporum consilio impulsâ, animum adjecit ad reprimendam Simoniam, quod vitium late serpebat, & populos liberandos ab exactationibus, quibus oppressi non nulli privati ad tantam desperationem adigebantur, ut propriam sobolem persuaderent.

*Sup. Lib. XXXVIII. §. 27.*

*vit. S. Bertil. c. 4. to. 3. Act. Ben. p. 23.*

S. Batildis duo Monasteria fundavit celeberrima Cellas & Corbejam. Prima quidem fundamenta Monasterii Cellensis, ad Matronam in Diocesi Parisiensi positi, S. Clotildis jecerat, quod olim Regum Palatium fuerat. Illud deinde multis ædificiis auxit S. Batildis, eo se receptura, quando Clotarius Rex peractam suo arbitrio regnare posset. Omnibus præparatis a S. Techilde Abbatissa Juvariensi Virgines petiit, quæ in nova Domo cum Bertilla, exploratæ sibi virtutis Virgine, præessent. Erat Bertilla Virgo nobilis in Territorio Sueffionensi nata, quæ impellente S. Audoeno Deo consecrata & Monasterium Juvariense ingressa, Abbatissam in difficili munere suis consiliis juvabat. Igitur hæc  
prima

prima Monasterii Cellensis Abbatissa fuit, <sup>Sæculum VII</sup>  
 atque annis quadraginta sex rexit hanc A. C. 658.  
 domum, cujus Fundatio ad annum 656.  
 refertur. S. Batildis fama multas Mo-  
 niales non e vicinia modo, sed etiam ex  
 Regione ultramarina, nempe ex Anglia,  
 attraxit, fuitque Monasterium duplex,  
 nam præter Virginum Congregationem,  
 scilicet principalem, etiam Monachi ad-  
 erant.

Monasterium Corbejense quoque ad <sup>tom. 2. Act.</sup>  
 Sommonam in Diœcesi Ambianensi olim <sup>B. p. 1039.</sup>  
 Domus Regia fuerat, atque anno circi-  
 ter 657. fundatum creditur. Primum  
 Abbatem habuit Theodefridum antea  
 Monachum Luxoviensem, & deinde E-  
 piscopum. Huic Monasterio Clotarius <sup>to. 6. Conc.</sup>  
 Rex & Regina Mater non solum agrum <sup>p. 525.</sup>  
 Corbejensem, sed plures alios numero  
 decem, atque Silvæ Vigoniensis partem  
 cum immunitate, quæ in Formulis Mar-  
 culfi memoratur, concesserunt. Berte-  
 fridus etiam, Episcopus Ambianensis, ei-  
 dem Monasterio Privilegium impertitus  
 est, illis Formulis consentaneum anno  
 Clotarii septimo, nempe anno 662. da-  
 tum, cui Episcopi sex subscripserunt.

S. Batildis Privilegia similia pluribus <sup>vit. n. 9.</sup>  
 aliis Monasteriis, speciatim S. Dionysii,  
 S. Germani, S. Medardi, S. Petri, S. Ania- <sup>S. Batildis.</sup>  
 ni, & S. Martini, concedi curavit, ut Di-  
 sciplinæ Regulari consuleret. Tenera  
*Hist. Eccles. Tom. IX.* S com-

**Sæculum VII** commiseratione in Captivos mota ve-  
**A. C. 658.** tuit, lege per totam Franciam edita, ne  
 extra Regni terminos mitterentur. Ipsa  
 magnum numerum redemit, multosque,  
 præsertim suæ Nationis homines iuvit,  
 ut in Monasteria susciperentur. Sæpe  
 Romam usque Ecclesiis S. Petri, & S. Pau-  
 li dona, atque Romanis egestate pressis  
 eleemosynas transmisit. Cum Childe-  
 ricus filius ejus secundo genitus anno  
 660. Rex Austrasiæ a Francis fuisset pro-  
 clamatus, & paulo post Clotarius Rex  
 Neustriæ & Burgundiæ annos pubertatis  
 attigisset, secedendi propositum, quod  
 diu ante conceperat, & cui Optimates  
 Francorum semper adversati fuerant,  
 executi sunt; nam tandem consenserunt,  
 ut abiret, postquam Sigobrando Episco-  
 po, ut credunt, Parisiensi, cujus fastum  
 Proceres impatientissime ferebant, in-  
 vita Regina mortem intulerant; unde  
 conscii, quid meriti essent, mutatis su-  
 bito animis ejus desiderium Monasterium  
 ingrediendi approbarunt. Illa quidem  
 territis ingratitude exprobravit, quip-  
 pe eorum aliquos affectu materno edu-  
 caverat, sed suadentibus mitiora Episco-  
 pis obtemperans, cunctis veniam, atque  
 etiam reconciliati animi signa dedit.  
 Ergo Monasterium Cellense ingressa cir-  
 ca annum 664. sub Abbatisa Bertilla in-  
 ter vulgares moniales fuit, in culina ser-  
 viens,

*Fred. cont. I.*  
*c. 93.*  
*vit. S. Bat.*  
*n. 10.*

viens, atque ad officia abjecta, quod non nunquam adhuc Regina fecerat, sese demittens. In hoc Instituto anno circiter 680. trigesimo Jan. quo die Parisienses ejus memoriam venerantur, vitam sanctissime clausit.

Sæculum VII  
A.C. 658.  
Mart. Rom.  
21. Jan.

Præter illa dona, quæ S. Batildis in duo Monasteria a se fundata, profudit, plura alia munificentissime locupletavit. S. Filiberto, & Abbatia Jumeigiensi vicinam Silvam, Legoberto Abbati, & Monasterio Corbionensi prope Carnutum, agrum, magnam vim auri & argenti, & proprium cingulum donavit. Plurima dona in Monasterium Fontanellense, Luxoviense, & alia in Burgundia, Juvariense, Faræ Monasterium, & præcipue in Ecclesias & Monasteria Parisiorum contulit.

vit. 6. 8;

§. XXX.

*Monasteria Franciæ.*

Plura alia Monasteria Clotario III. regnante in Francia fundata. Regi præceteris in amoribus fuit Dynasta nomine Vaningius seu Varingonius, cui Præfecturam Caletensem dedit, quia venatione in illius Regionis Silvis admodum delectabatur. Vaningius in illo nemore Monasterium Fecanense, consentiente Rege & multa Beneficia conferente, fundavit. Virginibus fuit traditum, & pri-

Act. Ben. t.  
I. p. 971.